

Lucia Kelly:

Protestanan di muhenan Arubiano contra un campo alegre na Aruba, 1950-1957

Gobernador suplente di Antia Hulandes a tuma na mei 1951 e decision pa duna un desaroyado e derecho di erfpacht riba un pida tereno pa construi un asina yama "apartment building" pa prostitutanen stranhero kedando na Aruba, conoci como Campo Alegre.

E decision a keda tuma aunke di basta tempo prome tawatin protestanan contra construccion di un Campo Alegre na Aruba. Ya caba dia 29 maart 1951 gezaghebber di Aruba a ricibi un lista cu 1200 firma como protesta contra construccion di e Campo Alegre. E protestanan a bira mas hopi bou



cua un manifestacion masal cu a tuma luga na Oranjestad dia 30 mei 1951, unda segun

gezaghebber un 1200 hende muhe a participa. Na 1953 a bolbe tene un accion di firma



sigui pa un demostracion masal na Alto Vista riba 10 mei. Den corant a sali skirbi cu como 5000 hende a participa na e demostracion aki.

Den e buki cu e titulo "Protesten van Arubaanse Vrouwen tegen een Campo Alegre 1950-1957" Lucia Kelly ta trata di duna un imagen di e desaroyonan cu e tempo ey a tuma luga y kico a conduci cu na Aruba no a construi un Campo Alegre pa e prostitutanen di exterior, poniedo atencion special na e papel di e muhenan Arubiano na e protestanan.

Den e buki ta haci uzo di relatonan di instancianan di

gobierno y di correspondencia hiba entre gobierno y gruponan den comunidad, amplia cu articulonan den corant. Invitacion ta bay na un y tur pa ta presente na presentacion di e buki aki.

E presentacion ta tuma luga Dia: diamars 26 januari 2016
Luga: Archivo Nacional di Aruba
Ora: 7.30'or – 9.30'or
Idioma: papiamentu

E publicacion aki a bira posibel cu sosten di UNOCA, mientras cu e presentacion di e buki aki ta sosode cu cooperacion di UNOCA y Archivo Nacional Aruba.